



Ruj. Tuan : -

Ruj. Kami : JPWPKL.600-10/2/6 Jld.4(78)

Tarikh : 24 Ogos 2021

Aminuddin Bharudin,
Pensyarah CFLMS,
International University Of Malaya,
Jalan Tun Ismail,
50480 Kuala Lumpur.

Tuan,

MAKLUM BALAS PERMOHONAN KEBENARAN PENGLIBATAN MURID DALAM PERTANDINGAN ASEAN FUTURE SUSTAINABLE LEADERS (AFSL) TAHUN 2021

Dengan sukacitanya perkara di atas dirujuk dan surat tuan bertarikh 20 Ogos 2021 dan surat dari Bahagian Sukan, Kokurikulum dan Kesenian, Kementerian Pendidikan Malaysia KPM.600-12/1/6Jld.2(29) bertarikh 30 April 2021 adalah berkaitan.

2. Dimaklumkan bahawa Jabatan Pendidikan Wilayah Persekutuan Kuala Lumpur (JPWPKL) **tiada halangan** untuk memberi kebenaran kepada pihak tuan melibatkan **murid** dari **Sekolah Menengah** di sekitar Kuala Lumpur dalam **Pertandingan Asean Future Sustainable Leaders (AFSL) Tahun 2021** yang akan diadakan secara **atas talian** bermula **6 Jun 2021 hingga 13 November 2021** bertempat di lokasi masing-masing.

3. Walau bagaimanapun, pihak tuan diingatkan untuk mengambil langkah-langkah bersesuaian serta mematuhi arahan dari Kementerian Kesihatan Malaysia, Kementerian Pendidikan Malaysia, Kementerian Komunikasi dan Multimedia Malaysia serta pihak berkuasa tempatan dalam mengawal penularan penyakit berjangkit dan menjaga kerahsiaan maklumat peribadi peserta.

4. Pihak tuan juga adalah tertakluk kepada syarat-syarat di dalam **Surat Pekeliling Ikhtisas Kementerian Pendidikan Malaysia Bil. 5 Tahun 2018 – Garis Panduan Perwakilan Kuasa Daripada Ketua Pendaftar Institusi Pendidikan Dan Guru Kepada Pendaftar Bagi Kelulusan Permohonan Oleh Pihak Luar Menjalankan Aktiviti Melibatkan Murid, Guru dan Institusi Pendidikan Kementerian Pendidikan dan surat dari Bahagian Sukan, Kokurikulum dan Kesenian, Kementerian Pendidikan Malaysia KPM.600-12/1/6Jld.2(29) bertarikh 30 April 2021** di samping mematuhi syarat-syarat berikut:

- 4.1 Mendapatkan kebenaran daripada Pengetua sekolah yang terlibat terlebih dahulu; (**Rujukan: Perkara 3.1, Surat Pekeliling Ikhtisas Bil. 10/2011**).
- 4.2 Surat kebenaran/kelulusan ini tidak boleh diguna pakai bagi maksud untuk mendapatkan sumbangan dan tajaan daripada mana-mana pihak berkenaan.
- 4.3 Penyertaan murid dan guru hendaklah tidak mengganggu atau menjejaskan proses pengajaran dan pembelajaran mereka.
- 4.4 Penganjur bertanggungjawab menjaga keselamatan dan kebajikan murid yang terlibat dengan program ini.
- 4.5 Murid-murid, guru-guru, warga sekolah mahupun pihak sekolah sendiri **tidak boleh dipaksa atau diwajibkan** terlibat dengan program ini;
- 4.6 Penyertaan murid-murid hendaklah mendapat kebenaran secara bertulis daripada ibu bapa atau penjaga.

...2/-

- 4.7 Guru-guru pengiring hendaklah dilantik oleh pihak sekolah mengiringi murid-murid ke program atau aktiviti berkenaan.
- 4.8 **Tiada implikasi kewangan kepada Kementerian Pendidikan Malaysia, Jabatan Pendidikan Wilayah Persekutuan Kuala Lumpur, Pejabat Pendidikan Daerah, sekolah, guru dan murid yang terlibat.**
- 4.9 Pihak penganjur hendaklah bertanggungjawab menanggung semua kos penganjuran program atau aktiviti yang dianjurkan termasuk pengangkutan, makan dan minum.
- 4.10 Pihak penganjur dimohon agar mengemukakan satu salinan laporan program dalam tempoh 30 hari selepas pelaksanaan program tersebut.
- 4.11 Berdasarkan situasi penularan *Coronavirus Disease 2019* (COVID-19), **penjarakan fizikal** merupakan salah satu prosedur yang perlu dipatuhi dalam norma kehidupan baharu. Keadaan ini menyebabkan program yang melibatkan pihak sekolah khususnya guru dan murid tidak dapat dilaksanakan seperti kebiasaan. **Pihak tuan perlu mematuhi segala garis panduan yang ditetapkan oleh KPM, Majlis Keselamatan Negara (MKN) dan Kementerian Kesihatan Malaysia (KKM) sepanjang program; dan**
- 4.12 Jabatan ini berhak menarik balik surat kelulusan/kebenaran sekiranya pihak tuan gagal mematuhi syarat dan peraturan yang ditetapkan atau bercanggah dengan dasar KPM yang sedang berkuatkuasa.

5. Untuk makluman tuan, pihak KPM sedang berusaha Melindungi Masa Instruksional (MMI), iaitu masa pengajaran dan pembelajaran (PdP) murid. Oleh yang demikian, pihak KPM mencadangkan supaya penyertaan murid-murid bagi program tersebut diadakan di luar waktu PdP agar tidak menjejaskan waktu pengajaran dan pembelajaran murid dan dilaksanakan di luar waktu persekolahan atau pada hari Sabtu yang dibenarkan sahaja.


6. Kelulusan ini hanya untuk tujuan dipohon sahaja dan luput selepas tarikh **13 November 2021**.

Sekian, terima kasih.

“ WAWASAN KEMAKMURAN BERSAMA 2030 ”

“ BERKHIDMAT UNTUK NEGARA ”

Saya yang menjalankan amanah,



(MOHD NAJIB BIN AB. RAHMAN, KMW)

Timbalan Pengarah Pendidikan

Sektor Perancangan dan Pengurusan PPD

b.p Pengarah Pendidikan

Jabatan Pendidikan Wilayah Persekutuan Kuala Lumpur.

- s.k.
1. Timbalan Pengarah Pendidikan,
Sektor Pembangunan Murid,
Jabatan Pendidikan Wilayah Persekutuan Kuala Lumpur.
 2. Timbalan Pengarah Pendidikan,
Sektor Pengurusan Sekolah,
Jabatan Pendidikan Wilayah Persekutuan Kuala Lumpur.
 3. Pegawai Pendidikan Daerah,
Pejabat Pendidikan Daerah Bangsar/Pudu, Kuala Lumpur.
 4. Pegawai Pendidikan Daerah,
Pejabat Pendidikan Daerah Sentul, Kuala Lumpur.
 5. Pengetua,
Sekolah Menengah Kebangsaan, Kuala Lumpur.